

# ....Noti Flash Febiko....

.....Pa bo ta na altura di kiko ta pasa den e mundu di biyar.....



P.O. Box 6282  
Tel. 7671132  
Tel. 5179935  
Email: [info@febiko.com](mailto:info@febiko.com)  
[www.febiko.com](http://www.febiko.com)

## Edishon #2

### Kolofon:

Noti Flash Febiko ta un boletin informativo di direktiva di FEBIKO.

Pa eventual pregunta of komentario email nos na [info@febiko.com](mailto:info@febiko.com)

### Presidente

Nathaniel Zoetrum

### Vice Presidente

Robert Sillé

### Sekretario

Norvin van Gulp

### Tesorero

David Prins

### Public Relations / Sports Director

Michael Arvelo

### Segundo Tesorero

Andy Senior

### Komisario / Segundo Sekretario

Marlon Pietersz

Curaçaose Biljart Bond  
Funda 1955

### Affiliations:

Curaçaose Sport Federatie (CSF)  
Nederlands Antilliaanse Biljart Federatie (NABIFE)  
Confederacion Panamericana de Billar (CPB)  
Union Mundiale de Billar (UMB)  
World Pool Billiard Association (WPA)  
World Confederation of Billiard Sports (WCBS)

## E promé palabra:

E di 2 edishon debí na hopi kompromiso a tarda pa sali.

Hopi tabata e reashonnan puntrando ki dia Noti Flash Febiko ta sali. Disfrutá di dje.

- **Tremendo apertura di Kampionato bola 8 pa ekipo 2005.**  
**Djasabra 16 april Federashon Biyar Korsou su tan spera kampionato Nashonal bola 8 pa ekipo a ranka sali ku partisipashon rekòrt di 12 ekipo.**

Despues di diferente diskurso di entre otro nos presidente Nathaniel Zoetrum, Señoresnan Eduardo Cova i Clovis Lodewijks, Sra. Frans presidente di CUB e kampionato tabata tin un bunita apertura. Mester bisa ku himno a ser bunita interpretá pa Srta., Melisa Arroyo Den e promé enkuentro di e kampionato Maishi Tigers, aktual kampion, a sali pone nan promé viktoria riba e kaminda pa defendé nan titulo derotando CUB Sharks 5-3. For di awor aki por bisa tur miembro pabien i éksito na tur e 12 ekiponan.



Shot di e promé enkuentro entre Maishi Tigers i CUB Sharks.

- **1st Dutch Caribbean Junior 9-ball Championship**  
**Dianan 29, 30 di April i 1 di Mei Korsou ta bai ta anfitrión di e promé Dutch Caribbean Junior 9-ball Championship. Ku e mihó hubenilnan di e islanan ABC.**  
Pa promé biaha den historia ta bai organisá un evento di e magnitud aki pa hóbennan bou di 21 aña. Un total di 32 hubenil ta bai enfrentá otro pa wak ta ken ta e mihó den e kategoria hubenil den bola 9. Di Aruba ta bini 8 hubenil, di Bonaire ta bini 10 i na Korsou ta bai tin 14 hóbén. No pèrdè e tremendo evento aki ku ta bai tuma lugá na Tracks kende ta e spònsor mayó di e evento aki. Tracks ta keda dilanti Garage di Toyota na Zeelandia.
- **Federashon Biyar Korsou su SEDE ta den fase final!!**  
**Porfin nos di Febiko ta bai tin nos mes sede.**  
Manera nos a bisa den e edishon anterior direktiva tin plannan ku e sede aki kaminda ta bai brinda mas fasilidat pa nos miembronan. Ta asina ku den e di segunda buèlta di nos kampionato bola 8 pa ekipo nos sede tambe lo ta riba schedule komo un di e estableimentunan. Miembronan pasa admirá bosnan sede kon e ta kedando na Gosieweg.



Sede den konstrukshon....

.....WAK PATRAS E NOTI FLASH FEBIKO TA SIGI.....

### Pool Pic of the Month



Freddy Muller ta tuma plakart for di man di Diputado di Deporte Sr. Eduardo Cova. E kampionato di bola 8 pa ekipo 2005 ta ser dediká na Freddy pa su sosten, dedikashon i amor pa nos deporte.

### Tip / Tric of the month

Pa bo Cue / Taco no bira pega pega ? Laba bo man promé ku bo bai hunga i ku un tishue muha limpia bo shaft i sek'é ku un tishue seku.

### Banner/ Poster of the Month



### Eventonan na kaminda.....

**Lokal**  
1st Dutch Caribbean Junior 9-ball Championship  
29,30 April i 1 Mei

Challenge 9ball Tour#2  
6,7,8, 13,14 i 15 di Mei  
Challenge Pool & Dart Lounge

Kampionato Femenino bola 9 di Kòrsou  
17 i 24 April na Maishi Snack

Kampionato bola 8 pa ekipo Tur Djamars, Djaweps, Djasabra i Djadumingu.  
Establesimentunan di biyar

**Internashonal**  
ESPN Asian 9-ball tour#4  
22-24 April

- **Challenge 9-ball Tour#2 na kaminda**

**Despues di un tremendo Challenge 9-ball Tour#1 e di 2 stop ta na kaminda.**

E promé stòp di e tour tabata un éksito grandi ku no ménos ku 44 hungadó. Den un gran final David Prins ta gana Julian Rijna 11-10 pa bai ku e promé titulo di Challege 9-ball Tour. E di 2 stòp ta tuma lugá na Challenge Pool & Dart Lounge dianan 6,7,8,13,14 i 15 di Mei. Por inskribi i paga te ku djaluna 2 di Mei 19:30 serka Freddy Muller na Gosieweg. Tiramentu di lòt ta tuma lugá 2 di Mei na Sede di Febiko Gosieweg 8'or di anochi. Manera semper esun ku no paga promé ku 19:30 riba e dia aki ta afó.



David Prins firmando su nòmber riba e banner di Challenge 9-ball tour komo e ganador di e promé stòp...PABIEN!!

- **Nota positivo**

**Nos tin dos miembro kual ta Julian Rijna i Nathaniel Zoetrum ku a ser nombra pa CSF komo deportista hubenil i Dirigente atministrativo di aña 2004.**

Djadumingu durante e seremonia di Deportista, Dirigente i wes di aña Curaçao Sport Federatie a elogiá i premia diferente deportista i dirigente pa nan gran trabou den 2004. Febiko tabata bon representá ku Julian Rijna, Johnny Hellmund i Lucia Wever kende a haña medaya pa nan prestashon den deporte. Febiko tabata tin honor di haña 2 nominashon: Julian Rijan komo Deportista Hubenil di aña kende a ser gana pa Rodion Davelaar ku aña pasa tambe tabata tin un gran aña kibrando práktikamente tur rekòrt lokal i gana hopi medaya di oro. Tambe nos presidente Nathaniel Zoetrum a ser nominá komo dirigente di aña. E kategoria aki a ser gana dor di Dick Da Costa Gomes ku a hasi un tremendo trabou pa Federashon di Atletismo Dick entre otro tabata e arkitekto tras di e federashon aki. Febiko ta felisitá tur ku a gana i a ser nominá i un pabien specialmente pa nos miembronan ku a ser nominá i a haña medaya ku ta pone nos federashon riba un pedestal.. Pabien!!



Momento ku Julian i Johnny ta haña nan medaya i tambe kaminda Nathaniel ta risibí un sertifikado

- **... i por último ....bo ta sa ku.....**

- Febiko ta bai organisá otro evento grandi Internashonal den luna di Sèptèmber esta Gran Prix Pan Amerikano bola 9 keda pendiente pa mas informashon
- Miembronan "bieu" a kue kaminda bek pa biyar....GREAT!!

OK esaki tabata atrobe tur kos pa e edishon aki si bo tin kualke informashon òf sugerensia pa nos manda nos un email na [info@febiko.com](mailto:info@febiko.com) òf laga e informashon aki pa kualke miembro di direktiva.

**Kòrda bishita nos website pa mas informashon i potrèt [www.febiko.com](http://www.febiko.com)**